

欽定剿平粵匪方略

欽定剿平粵匪方略卷一百九十六 戊午年

五月十八日

壬辰

官文都興阿胡林翼奏言藩司

李續賓於四月二十六日由九江馳抵黃安二

十八日於北門外督隊進攻斃賊一百餘名平

其四壘五月初一日奇右等營過河屯紮初二

日副都統舒保率馬隊分布於城之西南何忠

駿等各率所部列隊城西賊徑來撲舒保馬隊

往來衝突槍箭齊發李續賓以劈山礮轟之賊
衆應聲而倒忽西南北三門之賊分股出撲我
軍兜圍截殺偪至麥田之中忽旌旗突起槍礮
如雷則李續賓先以四哨捲旗而伏也賊大潰
棄械而逃馬隊縱橫馳驟將賊衝開頃刻截爲
數十段殲斃約一千數百名生擒一百餘名日
晡收隊是夜四更時賊開北門潛逃李續賓率

各營銜枚暗伏截殺多名追殺四五里舒保何忠駿隔河聞信亦趕至跟追三十餘里殺賊無算先是蕭積仰駐兵於殷家河爲黃安避麻城要路我兵追賊至此又斃數百人當將黃安縣城克復先是麻城之賊連日閉伏不出追黃安克復賊於初四夜四鼓不戰而遁道員李續宜副將鮑超親率馬步隊日夜窮追自黃土岡至

玉屏港沿途殺斃甚多現已追至豫省之兩路
口及商城之草鞋店先後斃賊三千餘名據生
擒賊供欲竄河南商城仍乘隙再圖德安襄陽
等語查此次皖匪竄入楚邊原欲上窺漢陽德
安下援九江迫得賊全屠羣醜膽落李續賓又
卽統師星夜上援臣等亦先於武漢黃德內湖
外江水陸各要隘層層分布力遏竄路該逆一

隅負固援絕計窮乃得迅速歲事惟太湖潛山
英霍之賊出沒不常而黃梅廣濟蘄州蕪水羅
田等處警報數至茲黃安麻城賊蹤已盡自應
以得勝之師越境追勦節節掃蕩以期皖豫一
律肅清庶賊上犯無路亦免北竄之虞所有此
次克復縣城及追勦出力之員弁兵勇可否由
臣等擇尤酌保仰候

恩施奏八

上諭內閣曰皖匪竄踞湖北麻城另股竄入黃安經布政使李續賓馳抵黃安督勦五月初二日各營分布城外四面環攻斃賊一千數百名生擒一百餘名賊乘夜開北門逃竄遂將縣城收復麻城之賊亦於初四日夜間不戰而遁道員李續宜副將鮑超率馬步隊日夜窮追沿途殺斃三千餘名勦辦甚屬妥速著

李續賓等乘勝追勦節節掃蕩以期肅清皖豫所有
此次克復縣城及追勦出力員弁兵勇著官文等擇
尤保奏

官文都興阿胡林翼又奏言浙江軍情緊急藩
司李續賓暫難起程赴援業經 臣等縷悉奏陳
現在探聞江西撫州建昌均已收復皆道員蕭
啟江等之力 臣等再四思維江西撫建旣克惟

餘吉安一府有湖南派往援剿之曾國荃及湖北派往援剿之劉騰鶴等足敷剿辦蕭啟江兵力甚厚其所帶之勇多侍郎曾國藩及羅澤南等舊部久經戰陣其張運蘭王開化劉芳貴等所部勇丁尤多精銳若酌量情形再行抽調共計不下精兵萬餘聲威甚壯且吉安久經合圍撫建餘匪盡竄浙閩地界則江西之兵力實屬

有餘應就近由祁門甯國一路先行馳援杭州
繞出賊前竭力堵勦程途旣近應援自捷必能
有濟李續賓自麻城黃安克復現已帶兵追賊
前往豫省商城暫難卽撤必當乘勢先清皖北
相機進取再金陵賊勢窮蹙非全力注於浙江
卽分支上犯皖鄂鄂省自咸豐二年至於八年
屢被賊擾該省爲南北樞紐賊所必爭故六七

年之中無日不與兵事相因九江雖復而皖北未平竊計目今大局守於境內不如勦於境外臣等之急於援皖實因皖省切近中原腹地必宜及早肅清也相應請

旨飭下江西湖南撫臣迅飭蕭啟江張運蘭王開化劉芳貴等各率所部就近兼程先行赴援浙江以期迅捷臣等仍察看河南皖北情形緩急再行

隨時奏明辦理奏八

上命軍機大臣傳諭耆齡曰浙江自處州失守衢州東
門外營盤復陷賊由縉雲竄入永康武義並從間道
窺伺諸暨軍情實屬緊急李續賓克復黃安麻城已
帶兵追勦潛太賊匪不能赴援浙江惟據官文等探
聞江西建昌亦已收復祇有吉安一府未復現有曾
國荃等軍足敷勦辦蕭啟江所帶之勇久經戰陣其

張運蘭王開化劉芳貴等所部勇丁亦多精銳統計各軍不下萬餘且距浙省程途較近著者齡卽飭蕭啟江張運蘭王開化劉芳貴等各率所部兵勇就近由祁門甯國一路兼程前進馳援杭州繞出賊前竭力堵剿石逆現踞常山其鋒甚銳該撫務飭該將弁等併力攻剿殲厥渠魁

同日王懿德慶端奏言逆匪疊陷光澤邵武郡

縣當飭趕緊進勦三月二十日參將顧飛熊等督帶兵勇暨壯丁進薄光澤縣城接仗五時之久斃賊二三百名古山聯首何占魁奮力衝擊手刃賊匪多名力竭遇害副將賈開泰等訂期圍勦四月十一日四更都司武明良由南門督勇先登已革署參將禧祿由西門進攻各斃賊一百餘名勇首陳巨川帶勇由西南進殺賊甚

多餘匪悉由東門奔竄我軍追殺三十里至和
順地方該匪紛紛奔逃立將縣城收復其竄踞
邵郡逆匪勾結土匪恃衆抗拒四月初四五等
日顧飛熊督率兵勇馳往攻擊殲賊十餘名刻
下署延建邵道趙印川親率師旅已及千名續
調援師亦已陸續馳往且該處辦理聯甲向尙
認真臣等現在嚴飭趙印川等乘此聲威合力

堯勦迅將邵武郡城剋期收復至邵武古山聯
首何占魁隨官軍打仗最爲得力茲因勦匪陣
亡深堪憫惜飭令確查遇害情形並此次克復
光澤縣城出力文武員弁兵勇分別辦理奏入
上諭內閣曰江西逆匪竄踞福建光澤縣城經護理參
將顧飛熊等督帶官軍奮勇攻勦克復縣城勦辦尙
爲得手著該督等嚴飭將弁乘勝進兵規復邵武府

城盡殲醜類所有出力文武員弁兵勇及陣亡聯首
何占魁等著分別查明奏請辦理

十九日癸巳耆齡奏言四月十二日南豐敗賊糾

合大股竄至白舍地方冀犯南豐十四日賊至
離城五里之瑤浦村三江口等處王文瑞等率
隊出擊鏖戰良久賊陣大亂我軍前後夾擊賊
匪四散奔潰追逐十餘里共殺賊一千三四百

人先是張運蘭等探知建昌大股逆匪屯聚雙
泝雲窯一帶欲犯磁圭隨令參將朱南桂等帶
兵赴磁圭堵禦四月初九日賊匪二三千向赤
家山而來圖襲磁圭之後經朱南桂等擊退十
一日雙泝雲窯之賊分路來犯磁圭朱南桂等
派隊進擊奮力衝殺共斃賊八百餘人溺斃千
餘人補用同知直隸州知州黃秉珍等率寶左

護衛兩軍行抵磁圭十四日與朱南桂等會合
前進察看地勢甫出山口該逆已出隊來犯徧
滿山岡我軍分三路進攻賊大敗潰逐北二十
餘里計斃賊千餘人溺死尤衆十六七等日探
聞大股逆匪糾合新豐股匪仍聚雲窯築營四
座十八日黃秉珍朱南桂等分路進剿賊衆拌
死拒鬪我軍陷陣衝突斃賊甚多連踏賊營四

座建郡之賊大股來援復爲哨官胡寶善等所
敗殲黃友悍賊一名餘俱逃回建昌二十二日
建昌賊匪萬餘屯聚新豐聲稱渡河來犯磁圭
張運蘭等以新豐爲建昌門戶於二十三日約
同朱南桂等大舉會攻並令黃秉珍羅近秋等
由澤泉茅排並進以分賊勢張運蘭等行抵雙
泮賊衆已排列對岸遙見新豐賊衆蟻屯蟻聚

當卽分派各營從上下游渡河奮擊賊奔潰八
墟我軍左右抄殺斃賊二三百人各勇乘勢施
放火箭噴筒賊營三十餘座一齊火發逆眾若
鳥獸散一奔新城一奔建郡我軍追至離郡城
八里天晚收隊黃秉珍羅近秋等自澤泉茅排
進逼郡城西北賊匪四五千出拒被羅近秋等
擊敗是夜三更建郡賊渠李逆負傷率黨出城

竄往新城二十四日張運蘭等收復郡城追斬
賊匪百餘人生擒六十餘人查建昌逆匪分數
大股節節扼守勢甚鷓張張運蘭等率領湘寶
各勇僅五千人進勦先於南豐磁圭等處數大
戰該逆屢受巨創死傷萬餘迫新豐門戶既失
恐爲我軍所困遂棄城宵遁得以剋期收復所
有尤爲出力人員自應額懇先沛

恩施以示鼓勵

耆齡又奏言東鄉縣自上年十月官軍失利城池仍爲賊踞並不時竄擾東鄉餘干交界之間迨本年四月撫州府城克復東鄉逆勢遂孤東鄉縣知縣周溯賢卽飭各鄉紳士挑選團丁以備攻城並約會駐紮餘干之知縣黃振成帶兵進剿四月二十二日黃振成率隊行至離東鄉

縣城十五里地方駐紮城賊知有官兵進勦賊目錢艾二逆先率夥黨大半於二十一日夜遁往王家橋一帶二十二日賊目李朱二逆亦率餘匪向南路逃走東邑北鄉團勇跟蹤尾追賊眾回撲鄉團潰退賊匪仍踞南門外之源塘等處二十三日黃振成率領弁勇周瀚賢亦派本邑鄉團分路進擊賊卽大敗望金谿遁去我軍

追逐十餘里斃賊二三百人當將城池收復查
撫郡旣拔東鄉股匪自不能支經黃振成等乘
時進勦連克縣城辦理尙合機宜在事出力紳
勇容俟查明另行擇尤請獎惟撫建餘匪麕聚
金谿現在派兵進勦難保不四散奔竄業經飭
令黃振成率勇卽在東邑防守並令周溯賢督
率團練嚴密堵禦不得稍涉疏懈奏入

上諭內閣曰逆賊占踞建昌府城卽選道張運蘭等督
兵攻勦節節進逼賊衆潰敗餘匪向新城奔竄四月
二十四日收復郡城先後殺賊四千餘名生擒數百
名在事員弁等著有微勞自應量予鼓勵補用同知
直隸州知州黃秉珍著以知府仍留江西補用都司
羅近秋著以遊擊卽補並賞加參將銜劉光明著以
遊擊遇缺卽補遊擊章奪錦著賞加副將銜其餘由

江西派出員弁著耆齡查明保奏由湖南派往員弁
著駱秉章查明保奏另片奏東鄉踞城之賊經知縣
黃振成屢次擊敗於四月二十三日克復縣城等語
所有在事出力員弁並著耆齡查明保奏

耆齡又奏言據道員李元度等稟稱三月二十
三日賊衆數千竄入玉山之子午口經團勇奮
擊殺斃百餘人餘匪狂奔出境李元度派都司

彭定發等帶平江勇二哨前往小路嶺防守以
杜逆匪復竄四月十七日派左營新中營及右
營三哨進紮屏風關規取常山牽制衢州賊勢
十九日常山之賊傾巢來犯已將左營包住童
梅華督勇連開劈山礮擊斃賊四五十人該逆
抵死不退郭式源帶右營趕至衝殺童梅華亦
出壘奮擊彭斯舉率新中營從水田抄出殺悍

賊二百餘人追逐二十餘里偏溺港內者百餘
人生擒三十一名查逆匪分踞常山等縣意在
阻我援衢之師是以李元度軍一經進紮屏風
關常山之賊卽傾巢來犯經各營弁勇冒雨力
戰斬擒三四百人足挫兇鋒總兵李定太一軍
現已繞道赴浙會勦臣仍飭李元度步步爲營
相機進取恢復常山惟此時江山開化亦均有

聞

賊處處可通廣豐玉山並令李元度將各路妥
爲布置以免顧此失彼奏入報

二十一日

乙未

上命軍機大臣傳諭駱秉章曾國藩曰前因江西賊匪
竄入浙江之常山開化圍逼衢州府城疊由江南安
徽等處調撥援師馳往救援恐官軍無所統屬特加

漳州鎮總兵周天受提督銜督辦浙江防勦事宜嗣因處州失守並攻陷金華所屬之永康武義二縣恐周天受資望較淺未能統率眾軍復諭和春前往督辦和春現在患病未痊刻難就道東南大局攸關必須聲威素著之大員督率各軍方能措置裕如曾國器開缺回籍計將服闋現在江西撫建均經克復只餘吉安一府有曾國荃劉騰鶴等兵勇足敷勦辦前

諭者齡飭令蕭啟江張運蘭王開化等馳援浙江該員等皆係曾國藩舊部所帶勇丁得曾國藩調遣可期得力本日已明降諭旨令曾國藩馳驛前往浙江辦理軍務著略秉章卽傳旨令該侍郎迅赴江西督率蕭啟江等星馳赴援浙境與周天受等各軍力圖掃蕩該侍郎前此墨經從戎不辭勞瘁朕所深悉現當浙省軍務喫緊之際諒能仰體朕意無負委任何

日起程著迅速奏聞以慰廑念

上諭內閣曰前任兵部侍郎曾國藩著馳驛前往浙江
辦理軍務

二十五日己亥官文都興阿胡林翼奏言五月初

二日太湖踞賊圖撲蘄州官卡經道員唐訓方
擊退後連日偵知該逆復由安慶英山糾集大
股二萬餘人至彌陀寺南陽河一帶築壘初八

日逆匪分爲三股一由彌陀鎮一由桐山冲一由黃泥畷均奔界牌石距蘄州邊界僅數十里勢甚猖獗唐訓方等亦分三路迎勦甫至界牌石該逆蠶擁而前同知丁銳義等衝鋒接戰賊之中路先潰而右路之賊屯聚山岡排列不動經遊擊張嵩齡設計誘下擊斃多名丁銳義等復乘勝掩殺分兵直上左路山岡四面兜勦各

處圍勇亦繞抄賊之回路斃賊千餘名墜崖溺
水死者不可勝計餘賊四散竄逃我軍跟追數
十里毀其賊壘而還據生擒賊供此次大股逆
衆實圖直犯蘄州救援麻城知我下游馬步調
赴安麻料蘄界兵單必可逞志初不知安麻先
已克復也十三日太湖踞賊又由安吳河至桐
山神之馬槽由白洋堡至界牌石卡外由黃龍

菴至界牌石之右分三路放火槍擄約五六千人丁銳義等率隊禦之該逆旋卽退去我軍追及於彌陀嶺四面圍之賊遂踰山越嶺而逃計殺斃及墜崖落澗死者約數百人我軍追殺至對河而止查皖省匪勢蔓延蓄志犯楚臣等前於安麻克復後屢接蘄州等屬警報已飛調仁智等營前往會勦並咨李續賓撥兵援應乃該

逆料我兵單糾眾竄擾而駐斬之師不滿三千
名竟能以少克眾大獲勝仗實足寒逆膽而振
軍威所有尤爲出力人員可否仰懇

恩施先行獎勵其餘出力將士容臣等分別查明另行
請獎奏入

上諭內閣曰皖省太湖之賊圖撲蘄州糾集二萬餘人
至彌陀寺等地方築壘分股來撲唐訓方等分路截

勦逆匪四散奔逃官軍窮追數十里將所築營壘悉
數焚燬先後斃賊數千名該將弁等於賊衆來犯以
少勝多實屬奮勉出力守備李東山著以都司儘先
補用把總浦本祥著以千總儘先補用並賞加守備
銜勇丁王友生著以千總儘先補用其餘出力將士
著官文等查明保奏

二十六日 庚子 福興奏言 臣 於四月二十六日拔

營起程本月初三日行抵遂安接奉

諭旨命臣暫留衢郡遵卽督帶隊伍折回初十日行抵

蓮花鎮地方距郡城三十餘里正擬整隊前進
忽於十一日早間據探衢郡西北沐塵一帶賊
匪竄至杜澤地方維時臣頭隊業已先行賊之
前股正偏近西山下去我軍不遠守備黃武賢
登山瞭見卽帶兵追殺該逆旋即敗退是晚匪

黨二三千人潛由山僻小徑竄去臣已揀選精
銳飭令都司林保統帶前往探明賊蹤趨向竭
力跟追並飭前次留防衢郡之彰武奇兵平江
各營分撥數成隊伍會合並進其餘兵勇卽赴
浮石渡北岸接防至龍游蘭谿一路已有副將
朱承先參將和順兩軍扼紮壽昌一路亦有總
兵秦如虎督帶兵勇分防如果賊衆竟由此路

聞

疾驅則壽昌龍游各軍皆可迎頭遏擊臣已札飭駐守嚴郡之署臬司段光清就近分撥一軍馳赴壽昌協同堵剿以厚兵力奏入報

二十七日

丑

楊載福奏言

臣

率帶十四營礮船

於五月初十日行抵東流縣該城北瀕大江自西而南俱江水環繞惟東通陸路城內賊匪約

數百人見我軍大至料難抵敵多從東門逃出
其強者五十餘人猶在城上施放槍礮我軍上
岸登陣將城上之賊概行殺斃復追殺竄賊一
百餘人當將東流縣城收復臣仍率各營進次
安慶上三十里之黃石磯屯紮十一日督帶各
營戰船下攻安慶至西門外里許之楊柳洲紮
定派兵進攻將矮山下賊船數十號盡數焚奪

十三日臣再領各營往攻新河口連破大興橋
北及山上賊壘二座旋復被賊占住未能得手
申刻收隊臣現就黃石磯駐紮仍調派各營分
巡沿江港汊並加意拊循勇丁休息數日再行
相機進剿奏入

上諭內閣曰安徽東流縣城被賊占踞上年十月間經
楊載福水師下駛接仗獲勝城賊潛逃業經官文等

奏報克復嗣據福濟等奏該處因陸路無兵守禦賊
卽踵至是以東流仍爲賊踞本月初十日楊載福統
帶礮船進剿卽將縣城收復次日楊載福督帶戰船
進攻安慶將矮山下賊船盡數焚奪現駐黃石磯相
機進剿仍著該提督迅卽攻克安慶肅清江面再圖
進取

二十九日
癸卯
官文奏言九江克復而江楚咽喉

皇
上陳之查九江上達川楚下通三江爲南七省咽喉

賴以有備安麻克復而楚疆邊患亦復稍紓現
飭李續賓等水陸各軍乘勝進勦皖豫先清江
北爲直擣金陵之計謹將籌策調度機宜爲我
自古戰爭之地收復匪易防守宜嚴現已撥楚
軍五千駐守其江西各路餘匪闖入浙閩惟餘
吉安郡城指日可期克復江西肅清後卽可抽

兵萬餘以一半益守九江一半嚴防廣饒旣可
阻浙省回竄之匪又可拒金陵上犯之逆再令
彭玉麟水師分布江西內湖並大江湖口潯陽
等處又酌留楊載福水師數營分駐小孤山小
池口黃州武漢要隘以資巡防而固水師後路
庶楊載福直達安慶相機下駛無返顧之虞得
以會合蕪湖紅單船併力東征其湖口東流彭

澤南岸一路再以步隊輔之水陸相聯聲威益壯再紅單礮船誠屬利器足以制敵其將弁中必多好手惟船身笨重不如長龍三板進退攻擊風帆便捷其水勇聞亦情性難馴應請密飭帶兵大員與楊載福和衷共濟合爲一體相機妥辦其大江下游北岸再由德興阿一軍夾攻和州使該逆無路狂奔且不得歸併金陵尤操

勝算此籌策東征各路戰守情形也又都興阿馬步各軍現駐宿太而安慶舒桐逆賊踞爲老巢屢次上犯東擊西竄殆無虛日現在李續賓由英山羅田進攻仍於六安商固楚豫交界分兵防剿其李孟羣兵勇應先率領前赴廬州歸福濟統馭以顧東路則皖省軍務事權歸一庶幾可收實效再以勝保扼任穎亳北路袁甲三

堵禦淮徐要道節節南偏而李續賓則統師由
中路進攻都興阿由宿太進兵楊載福水師直
攻安慶使該逆首尾不能兼顧勦辦自易得手
此籌策皖北一帶分別進兵情形也又楚北爲
上游重鎮北聯皖豫疆界綿長一千餘里條條
是路仍應嚴密設防現擬留道員李續宜統帶
步軍副都統舒保統帶馬隊分駐九江黃梅羅

田蕪水麻城兼顧襄陽等處又彭玉麟統內湖
外江並調撥江省內河等營水師再於鄂省添
募勁勇二三千名又酌派巴揚阿安貴統帶馬
隊二百七十餘名及水師左光培等礮船之四
營均卽守護省垣兼備各軍後路緩急調遣此
又楚省上下水陸分防情形也又楚軍馬步水
師下勦月需餉項卹賞等銀三十萬兩有奇臣

當會商撫臣胡林翼督飭司道力求協濟以利
師行惟楚師出境運送糧餉軍火等項水路計
程一千餘里風汛雖無定期聲氣尙屬聯絡若
陸路由黃梅宿太英山霍山解赴皖北一帶口
岸窻遠山徑崎嶇肩挑馱載運解愈難楚北委
員隔省雇人呼應不靈其州縣蹂躪之區戶口
流亡更難應付自宜由皖豫江南等省先期派

員攜帶經費探明大軍進止分段設站隨時轉
運以期妥速又楚省連年兵事用餉日久款目
紛繁本省清釐報銷已需時日現在楚軍遠征
凡兵勇月餉及卹賞採辦等項若仍遇事稟報
楚省督撫臣批示而行往返需時卽將來由楚
造報亦多周折所有楚軍餉項隨時解交都興
阿李續賓楊載福等大營一面將撥解銀錢各

數並向來支發口糧定章咨明皖豫撫臣其都
興阿等收支各數亦卽就近造冊在皖者咨送
皖省在豫者咨送豫省各撫臣入於該省仍照
楚省章程銷算旣便各該省就近稽查以杜浮
濫並免牽入楚省致多轆轤又行軍離楚日遠
下游軍務除緊要會商之件仍由臣等會報其
尋常戰事均應由都興阿李續賓楊載福隨時

自行馳奏速慰

聖懷至楚軍經臣與胡林翼歷年訓練調遣將士誠信相孚故能所向克捷未便由他省調歸別部出境後水陸各軍應仍責成都興阿李續賓楊載福統帶以一事權而期得力又都興阿李續賓楊載福多隆阿等各員智勇兼備中正無私所部各營紀律嚴明再得勝保袁甲三等和衷共

濟指日掃清江北會師江浙必當迅奏膚公蓋
必主將一心則士卒乃能聯爲一體此則關繫
東征大局尤爲軍情緊要者也竊念鄂居天下
之中爲自來戰守必爭之地現在楚北肅清臣
於東征軍務自當隨時妥籌策應以期迅掃逆
氛蕩平江皖下愚之見是否有當祇候

訓示遵行並求

飭下皖豫江南各督撫及各路統兵大員一體遵照渥

荷

鴻慈曷有旣極奏入

上命軍機大臣傳諭官文都興阿胡林翼楊載福李續
賓勝保袁甲三英桂瑛瑒曰湖北官兵克復九江黃
安麻城軍威已壯自應水陸乘勝進剿皖豫先清江
比爲直搗金陵之計官文所籌各條尙屬周妥九江

地勢扼要官文等已撥兵五千駐守江西兵勇多赴浙境追勦竄匪能否抽兵五千同守九江之處著官文等知照耆齡籌辦楊載福師船下駛會合蕪湖紅單船後亦卽知照和春德興阿飭令帶兵之員與楊載福和衷商辦江北一帶全滁和州之賊急欲應援金陵德興阿已飭各營勦辦勝保現駐懷遠袁甲三亦折赴臨淮亟應節節南徧李續賓由中路進攻都

興阿由宿太進兵楊載福直攻安慶皖北之賊當可
次第肅清所有楚軍馬步水師應需糧餉仍由官文
等豫籌撥解至運送糧餉軍火等項著何桂清福濟
英桂瑛棨先期派員攜帶經費探明大軍進止分段
設站隨時轉運以利遄行至所撥楚軍餉項收支各
數在皖者咨送皖省在豫者咨送豫省入蘇境則咨
蘇省各該省督撫卽飭承辦之員仍照湖北章程銷

算以便稽查而免轆轤楚軍進剿皖豫水陸各軍卽
責成郟興阿李續賓楊載福統制他省帶兵大員不
得調歸統轄以一事權現在皖豫兩省賊勢蔓延官
文等分飭諸軍水陸並進實爲全局關鍵勝保袁甲
三務與郟興阿李續賓同心戮力迅殄逆氛以收師
克在和之效

同日晏端書奏言衢城之賊屢由杜澤上方竄

至壽昌縣境經秦如虎等擊退後秦如虎因遂
安告警帶同知縣梁鵬前往防勦而留把總廖
洪盛帶勇四百餘名在壽昌駐紮巡防西安將
軍福興於四月二十六日自衢州回防玉山臣
接該將軍咨稱五月初三日在遂安途次接奉
諭旨暫留衢州防守當卽折回初七日宿壽昌初九日
行抵蓮花鎮十一日探聞賊竄杜澤等處勢將

諭

旨暫留衢州防守當卽折回初七日宿壽昌初九日

行抵蓮花鎮十一日探聞賊竄杜澤等處勢將

內犯壽昌當派都司林保確探跟追一面親督各軍於十三日回至浮石渡擬撥隊從後追擊等語查該將軍自衢州至遂安行程不過百數十里而往返幾及兩旬既在途次探聞賊蹤內犯並不於壽昌暫駐以示聲威徒事派兵追剿則賊在前而兵在後其勢必將深入正在急籌布置間據署臬司段光清稟稱該逆已於十三

日以四五千入竄至壽昌西路之杭頭村廖洪
盛馳往迎勦遇賊於石板橋衆寡不敵當卽收
隊回駐羅墩埠周天受聞警飛令周天培統領
所部兵勇馳往援勦並調樟樹潭王恩榮一軍
自蘭谿迎頭截擊秦如虎自遂安督隊趕至分
紮於白沙羅墩埠剋期進攻段光清又於嚴州
軍營派勇紮出洋溪干嶺七郎廟等處分路堵

勦各等情查壽昌一縣爲金衢嚴三郡咽喉重
地旁竄下竄在在堪虞亟須合力攻勦秦如虎
已從遂安移師馳抵壽昌而遂安與西安常山
開化連界深慮逆蹤乘虛闖入幸李定太已於
十五日行抵遂安臣已函請分兵留防該邑惟
這安地處下游直達徽嚴該縣僅有嚴州兵五
十名臣並咨請張芾籌濟援師以備策應至龍

游現有官兵駐紮而蘭谿之小販嶺等處已有賊蹤周天培行抵蘭谿當先清此路之賊方可赴壽昌會勦刻下金衢嚴各路軍務處處喫重周天受督攻武義已獲勝仗正在得手之際今調出周天培一軍又不免稍稽時日其衢州一切防勦事宜業經和春責成李定太督辦今壽昌有賊李定太已抵遂安應先就近援勦恐一

時未能卽赴衢州必須先將壽昌之賊會合勦
除方可杜下竄嚴杭之路昨准和春咨會已先
派副將陳開選統帶壯勇千名來浙惟望和春
病體速痊卽日前來督辦浙省軍務庶得轉危
爲安壽昌文武各官下落容俟查明另行辦理
奏八

上命軍機大臣傳諭和春晏端書福興周天受曰壽昌

爲金衢嚴三郡咽喉重地現被逆匪竄擾情形甚爲
喫重雖經周天受調派各軍分路堵剿而蘭谿之小
販嶺等處已有賊蹤周天培一軍行抵蘭谿務當先
清該處之賊庶可卽赴壽昌會剿其李定太一軍經
和春責成督辦衢州防剿據奏現抵遂安著就近將
壽昌之賊先行勦除現在和春患病是否卽可就痊
如尙未能卽日赴浙著將援軍遙爲調度其各路要

隨應行防範並著晏端書妥爲布置周天受督攻武
業業已得手即可乘勝進剿以杜下竄至福興由衢
至遂安旣在途次探知賊蹤內犯並不暫駐壽昌以
示聲威實屬畏葸無能其往返幾及兩旬是否故意
耽延著和春確查奏毋稍徇隱